



Odgovori na pitanje kako implementirati Zakon o zabrani negiranja genocida

Primjena zakona mora biti prioritet

Analiza pravnic, forumZFD-a i TRIAL Internationala pojašnjava da bh. društvo ima korist od presuda

Primjena izmjena i dopuna Krivičnog zakona BiH kojim se zabranjuje i kažnjava negiranje genocida i veličanje ratnih zločinaca, a koje je nametnuo bivši visoki predstavnik u BiH Valentin Inzko, mora biti prioritet, zaključak je analize pravica Lejle Gačanice i Nine Kisić i organizacija forumZFD i TRIAL International.

Čini se da je zakonodavac dopunjujući član 145.a KZBiH imao namjeru inkriminisati stvarno poticanje na mržnju ili nasilje, a što je evidentno iz (novog) stava 2. ovog člana. Ono što moramo imati u vidu je glagolsko vrijeme u ovom stavu, imajući u vidu da ono predstavlja sadašnje vrijeme, a što može biti od interesa imajući u vidu elemen-

te krivičnog djela. U samom tekstu izmijenjenog člana navodi se da "ko javno podstrekne", dakle u određenom trenutku, a samo "podstrekanje" može se desiti i u više navrata i prilika. Sljedeći element koji je potrebno dokazati na osnovu stava 2. člana 145.a KZBiH je da samo odobravanje, grubo umanjivanje ili pokušaj opravdavanja moraju biti počinjeni na način koji bi mogao podstaknuti na nasilje ili mržnju usmjerenu protiv skupine osoba ili člana skupine. Dakle, prilikom ocjene samih činjeničnih navoda bit će neophodno analizirati sve navedeno, navodi se u analizi, koju cijelu možete pročitati na linku: https://www.dwp-balkan.org/bh/news.php?cat_id=4&text_id=629.

Zatvorske kazne za Bilbiju i Adamovića

Sud BiH donio je prvostepenu presudu kojom su bivši pripadnici Vojske RS-a Bratislav Bilbija i Đuro Adamović osuđeni na dvije, odnosno tri godine zatvora za ratni zločin počinjen u augustu 1992. u zaseoku Bukvik kod Prijedora. Proglašeni su krivim za nečovječno postupanje prema civilima, a oslobođeni, zajedno sa prvooptuženim Rankom Babićem, optužbi za ubistvo, mučenje i prisilni nestanak. Oni su bili optuženi za zločin protiv čovječnosti, a Vijeće je u presudi prekvalifikovalo djelo u ratni zločin protiv civilnog stanovništva, prenosi BIRN. Suđenje im je počelo u martu 2019.



Ratni zločin u Prijedoru

Dodik o Kazanima

Član Predsjedništva BiH Milorad Dodik izjavio je za Srnu da je otkrivanje spomen-ploče na Kazanima na kojoj piše "ubijenim sugrađanima" potvrda da ni nova generacija političara koju predstavlja vlast u gradu Sarajevu nije spremna da se suoči sa prošlošću i prizna šta se na Kazanima zaista dogodilo.

- Samo nekoliko kilometara od Kazana na zgradi Vijećnice uporno stoji ploča na kojoj piše: "Na ovom mjestu

su srpski zločinci zapalili Nacionalnu biblioteku BiH". Kako su zločinci dobili nacionalnu pripadnost na Vijećnici, a žrtve na Kazanima nisu?! To je pitanje sa kojim treba da se suoče i gradske vlasti Sarajeva, ali i svi u BiH koji govore o pomirenju i suživotu, kazao je Dodik dodavši da prisustvo Christiana Schmidta na Kazanima govori da je njegov dolazak u BiH u službi politika koje su sakrile žrtve ratnog Sarajeva.

Zdravstvo se guši u

Zakon o finansijskoj konsolidaciji javnih zdravstvenih ustanova u FBiH biće u proceduri do kraja godine, a Novalić i Opsenica kažu da svima treba omogućiti iste uvjete

Piše: AMELA LONČARIĆ

Finansijskim analizama poslovanja javnih zdravstvenih ustanova u FBiH, koje su provedene još prije pet godina, utvrđeno je da zdravstvene ustanove, čiji je osnivač opština, kanton, kao i FBiH zaključno sa decembrom 2016. bilježe gubitak od 167 miliona KM, te da ukupna dugovanja u zdravstvenom sektoru iznose 269 miliona maraka. Nema dileme da su ove brojke u međuvremenu znatno porasle, a rad ustanova otežan.

Ravnomjerno ulaganje

S ciljem saniranja teške finansijske situacije, Vlada FBiH je prije tri godine u parlamentarnu proceduru uputila zakon o finansijskoj konsolidaciji javnih zdravstvenih ustanova u FBiH. Međutim, prije pola godine je premijer FBiH Fadil Novalić povukao sa dnevnog reda sjednice Doma naroda Parlamenta FBiH ovaj zakon. Kako je tada pojasnio, zakon je, prije svega, tretirao konsolidaciju tri klinička centra čiji je suosnivač FBiH.

- Predloženi tekst zakona je iz vremena prije pojave pandemije koronavirusa - iz 2018, a od tada se situacija značajno promijenila. Planiramo unaprijediti neka rješenja i po mogućnosti otvoriti prostor da se ovim zakonom omogući finansijska konsolidacija kliničkih centara, ali i drugih javnih zdravstvenih ustanova. Smatramo da trebamo ići u cjelokupno finansijsko restrukturiranje zdravstvenog sektora u FBiH. Želimo sveobuhvatno rješenje i ravnomjerno ulaganje u zdravstvo u FBiH, rekao je Novalić.

Kako je za Oslobođenje potvrdeno u Novalićevom kabinetu, očekuje se da ovaj zakon ponovo bude u proceduri do kraja godine. Ina-



Čatić: Tačno se zna gdje pare odlaze

če, zakonom je predviđeno da se sredstva za finansijsku konsolidaciju univerzitetsko-kliničkih bolnica obezbjeđuju u federalnom budžetu, dok će sanaciju gubitaka zdravstvenih ustanova kojima su osnivači kantoni i opštine provesti nadležni organi kantona i opština, a kanto-

nalne skupštine i opštinska vijeća će obezbijediti potrebne procedure odobravanja sredstava za sanaciju gubitaka zdravstvenih ustanova ukoliko se to pokaže nužnim za nesmetano poslovanje tih ustanova.

Teret dugovanja Opće bolnice Konjic i Doma zdravlja Konjic ovih dana posebno osjete uposlenici ovih ustanova, čije je račune blokirala Porezna uprava FBiH zbog duga od 22 miliona KM. Radi se, uglavnom, o dugovanjima za doprinose, a radnicima kasni isplata treće plate, zbog čega su protestovali. Načelnik Općine Konjic Osman Čatić kaže za Oslobođenje kako se zna gdje idu porezi i doprinosi na plate kada se uplate.

- Idu na Zavod zdravstvenog osiguranja i on je taj koji mora da is-

Nema kriterija po kojem ZZO HNK-a dijeli sredstva. Treba ih dijeliti po učinku, a ne paušalno kako je ko s kim dobar, ističe prvi čovjek Konjica



U Poreznoj upravi FBiH kažu da su više puta tražili usvajanje zakona